

Rinanoan kanoan te reirei

Te reirei

- 1. E reireinira bwai ni kabane aika ti riai n atai n te aro bwa tina kona ni karaoa ae tangiria te Atua**
- 2. Ti riai n tou mwin ana taeka Kristo n te Nutetemanti ao n aki ikotia ma te tua n te Otetemanti**
- 3. Te ongotaeka ni koaua boni karaoan ae tangiria te Atua ao akea riki**
- 4. Uean te Atua bon ana ekaretia Iesu are e kateia**
- 5. Iesu Kristo bon atun te ekaretia ao e tautaeka ni bwai ni kabane aika karaoaki inanona**
- 6. Ti taromauria te Atua ni kawaina aika 5 n aki manga bitia**
- 7. Te bure e karaureira nako ma te Atua ao e karika te mate , ma iai te kantaninga**

Reirei 8-Te birinako man te rekenikai n te bure

Iai te anga ni birinako man te rekenikai n te bure?

I-Rom 5:6-10


Bwa ngkae ti bon mamara, ao e mate Kristo ngke bongina i bukia akana buakaka. Ba e kuri n aki kona temanna n mate ibukin te aomata ae : ma, ibukin te aomata ae atataiaomata, tao e kona temanna n aki maku ni mate. Ma te Atuna, E koala oin ana tangira nakoira n abi, ba nike ti boni buakaka naba, oa E mate Kristo I bukaka naba, ao E mate Kristo i bukaka naba, ao E mate Kristo i bukira Ma ngaia aei, ngkai ti karaoiroaki n rarana, ao a na kabatiaki riki iai kamaiuara i Rouna man te Kai ae na roka. Ba ngke ti raoiakinaki ma te Atua ni maten Natina ngke tan ribaia ngaira, ao a na kabatiaki riki iai kamaiuara ni maiuna,

Titto 2:11

Bwa E kaoti ana akoi te Atua ae kamaiuaia aomata ni kabaneia

1. Atai ae mate ibukina Iesu Kristo?
A. Aomata aika raoiroi
B. Aomata ni kabane
2. E kanga ni kaota ana tangira te Atua?
A. Kanakoa natina bwa E na mate ibukia aomata
B. E kakukureia aomata
3. Ti kanga ni karekea karaoiroara?
A. Man raran Iesu Kristo
B. Ngkana ti iangoia
4. Ti kanga ni manga okira te Atua?
A. Ngkana ti butia te Atua bwa E na rin inanora
B. Ni maten Natina
5. Tera ae karika te maiu
A. Ana akoi te Atua
B. Te tataro
6. Mwaiti kaotin tea koi?
A. tabeua
B. Nikabane

Ana bwai n tituaraoi te Atua bon ana bwai n akoi are E anganira ni kabane,ngkai e mate Kristo ibukira ni kabane. Ao bon rarana ae raoiakinira ma te Atua, imwin te bure are e karaureira nako ma te Atua.



1. B 2. A 3. A

4. B 5. A 6. B

I-Rom 6:17-18

17 Ma e na katituaraoaki te Atua, bwa ngkanaa ana toro te bure ngkami, ao kam taua inanomi aron te reirei are e 18 anga te aba ngkami nako iai; ao ngke kam kanakoaki man te bure, ao kam riki bwa ana toro te raoiroi.

Taeka n rabakau 23:7a

Bwa aron ae e iangoia inanona ao bon arona: e kangai nakoim, ko na amwarake mani moi; ma e aki mena nanona iroum.

7. Ngke a riki bwa ana toro tera?
 - A. Te bure
 - B. Raoiroi
8. Ao a manga riki bwa ana toro tera?
 - A. Te bure
 - B. Te raoiroi
9. Bitakin te aro aei e riki man tera?
 - A. Man te mataki
 - B. E riki man te nano
10. Tera te nano?
 - A. Am namakin
 - B. Am iango
11. Tera ae a riai ni karaoia ibukin te bitaki aei?
 - A. Aia tia reirei
 - B. Ana taeka Iesu



Te aro n ongotaeka ae riai e bon reke mani karaoan are e boni kakoaua raoi te aomata bwa boni ngaia raoi ae tangiria te Atua bwa e na karaoi ibukin kakukureian te Atua. Karaoan bwai aika bure ibukin kakukureian te Atua bon tiaki te ongotaeka ae riai. Ao karaoan naba ae ko aki ota raoi iai bon tiaki naba te ongotaeka ae riai.

7. A 8. B 9. B 10. B 11. B

I-Rom 10:17

Ma ngaia ae reke te onimaki n te ongora, ao te ongora e reke man rongorongon Kristo.

Iakobo 1:22

Ao kam na riki bwa taan tou mwin ana taeka te Atua, ao tiaki ti taan ongo ni mwamwanaingkami.

Mwamwanaingkami:

Iango ni bureburea te aba ke ni mwamwanai

12. E kanga n reke te onimaki?
A. Man te ongo n ana taeka te Atua
B. Te namakin inanom
13. Tere ae ti riai n ongora iai?
A. Aomata
B. Te Bwaibara
14. Iai te bwai ae ti riai ni karaoia man ara wareware n te Bwaibara?
A. Eng
B. Tiaki



12. A 13. B 14. A

Onimakinan te Atua ni koaua e reke man kamatebwaian ana taeka te Atua. Ma ngaiare ti riai n ongo, ao ni karaoa riki ae bati.

Ioane 8:24

Ma ngaia are I taku nakojmi bwa ane kam na mate ibuakon ami bure: bwa ngkana kam aki kakoauai bwa bon teuarei ngai, ao kam na bon mate ibuakon ami bure.

Iakobwa 2:14-19, 24

14 Tari, tera manena ngkana e taku temanna bwa boni iai ana onimaki, ao akea naba ana mwakuri? E kona te onimaki ae aron anne ni kamaiua 15. Ngkana akea ana kunikai tarim temanna ke mwanemi temanna, ao ngkana akea kanaia n te bong aekoraki, 16 ao ngkana e kangai temanna ibuakomi nako ia, kam na nako ma te rau, kam na ang, ao kam na nuai; ao ngkana ka maki angania baika tau ibukin rabwataia; ao tera manena? 17 Ao ai aron naba te onimaki, ngkana akea ana mwakuri, ao e mate 18 ngkai ti ngaia. Ma ane e na kangai temanna, boni iai am onimaki, ao ngai boni iai au mwakuri, ko na kaota am onimaki nako iu, ngkai akea am mwakuri, ao ngai I a kaota au onimaki nako im n au mwakuri. 19 Ko taku bwa ti temanna te Atua, eti am taeka anne, a boni kakoaua naba te taeka anne tain taimonio, ao a ruru. 20 Te aomata ae ko baba, ko kona n reireiko bwa te onimaki are akea ana mwakuri ea matebuaka? 21 Tiaki e karairoaki Aberaam are tamara n ana mwakuri, ngke e anga Itaaka are natina bwa te karea iaon te baonikarea? 22 Ko nora te onimaki bwa e mwamwakuri n ana mwakuri, ao e kakororaaki raoi te onimaki n taiani mwakuri; 23 ao e kakoauaki te Bwaibara are e kangai, Ao e onimakina te Atua Aberaam, ao e atongai aei bwa ana raoroi; ao e aranaki bwa raon te Atua. 24 Kam nora te aomata bwa e karairoaki n ana mwakuri, ao e aki n tit e onimaki.

15. Tera ae riai karaoana ngkana ti tangiria bwa tin a aki mate n ara bure?
A. Onimaki
B. Akea. Ana akoi te Atua ae kainanoaki
16. E ibuobuoki tuangaia aomata bwa ana bon nuai ngkana ti aki kamwarakeia?
A. Eng
B. Tiaki
17. E tau ti te onimaki ke te mwakuri naba?
A. Eng
B. Tiaki
18. A kakoaua naba taimonio?
A. Eng
B. Tiaki
19. A kamaiuaki naba taimonio
A. Eng
B. Tiaki
20. E kanga ni karairoaki te aomata?
A. Ti te onimaki
B. Te onimaki ao te mwakuri



E taku Iesu bwa ti riai n onimaki ao ni mwakuria n ara ongotaeka nakon te Atua ni bwai ni kabane ake tuangira bwa tin a karaoi. E aki tau te onimaki n ti ngaia

15. A 16. B 17. B

18. A 19. B 20. B

Matai 10:32-33

32Mangaia aei, bwa ane e kaota tauani bukiu imataia aomata, ao Ngai I a manga kaota naba tauani bukina i matan Tamau are i karawa. 33 Ma ane e kakeai i mataia aomata, ao Ngai I amanga kakea naba i matan Tamau are I karawa.


Kaota tauani bukina: Kaota taekana I mataia aomata

Kakea: Kakewea taekana I mataia aomata

Mareko1 1:23-25

23 Ao e mena ni mwaneabaia ae te tamnei ae kamwara I nanona; ao e takarua, ni kangai, tera am bwai iroura, Iesu, ae te I-Natareta? 24 Ko nako mai ni uruira? I kinako bwa Teuare Moan te Raoiroi Ngkoe, are ana bwai te Atua . 25 Ao Iesu E boaia ni kangai, Tai karongoa, ao otinako mai irouna.

21. Tera ae riai bwa tina karaoia ngkana ti tangira Iesu bwa E na kaotira nakon Tamana?
 - A. Akea
 - B. Kaota tauani bukina nakoia aomata
22. E kaokoaua te tamnei ae kamwara bwa Iesu boni mairoun te Atua?
 - A. Eng
 - B. Tiaki
23. E kariai Iesu bwa e na tiku inanon te aomata ngkai e kaota kakoaua?
 - A. Eng
 - B. Tiaki



E bon riai kaotan tauani bukin Iesu ao kakoauana ngkai E taku bwa, natin te Atua. Ngakana akea kaotan tauani bukina n te aro ae riai, ao tina boni bua. Kanga ai aron te onimaki ao te raira n nano, bwa e bon aki tau n tingaia

21. B 22. A 23. B

Ruka 13:3

I taku nakoimi, aki ma ngkana kam aki rairi nanomi, ao kam na bane ni mate n aiarioa.

24. N te boki ae Ruka, E taku Iesu bwa riai n aera bwa ti aonga n aki kabuakakaki?

- A. Namakina te kamaiuaki
- B. Rair nanom

Mwakuri 9:1, 3-6

1 Ao Tauro e ikeike n taeka ni kakamaku ao te kamamate nakoia ana aomata te Uea, ao e nako ni mataniwia ibonga, ao e butia reta nako I-Iutaia bwa ngkana e kuneia tabemwang aika tau ate aro aei aika mwane ke aine, ao e na kairia ni kabaneia nako Jerutaraem.

3Ao ngke e kume n nako, ao e kania Tamateko; ao e rina n ota irarikina te ota mai i karawa; ao ngaia e bwaka i aontano Ao e ongo te bwana ae kangai nako ina, Tauro, Tauro, ko aera ngkai ko bwainikinai? Ao e taku te Uea antai ngkoe? Bon Iesu ngai ae ko bwainikirinai; ma ko na teirake, ao nakon te kawa, ao are ko na tuangaki iai te baere riai bwa kona karaoia. Ao aomata ake a iria, a tei ni kaina babu, ao a ongo te bwana, , ma aki nora temanna. Ao Tauro e teirake mai aontano; ao ngke e ure matana, ao e aki nor ate bwai teuana, ao a tataua baina, ao a kairia nako Tamateko. Ao tenibong ana bong n aki noraba, ao e aki amwarake ao e aki moi

Ti atongan te kabwara bure bon tiaki te raraoma ni koaua, te rainnana ni koaua bon atakin te bure are ko maiu inanona bwa e kaitara te Atua, ao ti riai ni kitana te aro anne, bwa boni ngaia ni koaua te rairannano ae riai iroun te aomata.



25. Antai aika bwainikirinaki iroun Tauro?

- A. Tautian Rome
- B. Ana reirei Iesu

26. Antai ae taetae ma Tauro n te kawai nako Tamateko?

- A. Iesu
- B. Betero

27. Imwin taetaen Tauro ma Iesu, e teimatoa n aki kakoaua Iesu?

- A. Eng
- B. Tiaki

28. Imwin taetaen Iesu ma Tauro e reitako bwainikirinaia Kristian?

- A. Eng
- B. Tiaki

29 Tera ae tuangaki Tauro iroun Iesu?

- A. Te bwai ae riai ni karaoia
- B. Te bwai ae kona ni karaoia ngkana e tangiria

Imwin kakoauan Iesu bwa bon natin te Atua, Tauro e aki manga kan kaitara. Bwa ngke e nakon te kawa ao e aki manga oki ni bwinkirinia Kristian, ao bon aio ni koaua aroni karaoan te rairannano. Bwa aio ae riai i matan te Atua. Ma e ngaie n anne ao Tauro ngke e taetae ma Iesu ao e titirakina Iesu bwa tera ae riai ni karaoai. E tuangaki iroun Iesu bwa e na nakon te kawa ao e na tuangaki ae riai bwa e na karaoia. Ao imwina ti kaongoaki te bwai ae riai Tauro ni karaoai.

24. B 25. B 26. A
27. B 28. B 29. A

Acts 9:8-11

8 Ao Tauro e teirake mai aontano, ao ngke e ure matana, ao e aki nore te bwai teuana; ao a tautaua baina, ao a kairia nako Tamateko. Ao tenibong ana bong n aki noraba, ao n aki amwarake ao ni moi. Ao e mena i Tamateko te reirei temanna ae arana Anania; ao e taku te Uea nakoina n te mi, Anania, ao ngaia e kangai, te Uea, norai, I boni mena ikai. Ao E taku te Uea nakoina Tei rake ao nakon te kawai are e aranaki bwa Eti, ao ukoukora temanna ae arana Tauro ae te I-Tareto, n ana auti Iuta: bwa noria e tataro; ”

Mwakuri 22:12-16, e kaotia Tauro bwa tera ae riki nakoina, 12 ao temanna ae Anania, ae te aomata ae tataromauria te Atua ni kakairi n te tua, ae e atongaki irouia I-Iutaia ni kabaneia ake 13 a maeka iai bwa e raoiroi, e roko irou, ao e tei irarikiu, ao e taku nakoiu, Tauro ae tari, kona noraba. Ao ngai I a rina bana n noraba, ao 14 I kaeka matau ao i noria. Ao e taku, e rineiko At, uaia ara bakatibu bwa ko na ata ana taeka, man nora Teuare Atataiaomata, man ongo te 15 bwana mai wina, bwa ana ko na riki bwa ana tia kaotioti baike ko nori, ma baike ko ongo, nakoia aomata 16 ni kabaneia. Ao tera ae ko taningaia ngkai? ko na teirake, ao ko na babetitoaki man teboki am bure, mani wetea arn te Uea

E kakoaua Tauro bwa Iesu bon natin te Atua. E kabanea tenua te bon n aki mamatam ao n tataro, e tuai roko Anania irouna n tai anner, ao akea ae tuangnga te bwai ae riai ni karaoia. Ma ngke ea roko Anania irouna, ao e tuangnga bwa e na babetitoaki bwa eaonga n teboki ana bure, akea te bwai ae tuangaki Tauro imwain rokon Anania irouna. E bon anganaki nanona ao e rineia bwa e na babetitoaki i matan te Atua ibukin kaitiakan ana bure

30. Maanra Tauro n aki mamatam ao ni mooi?

- A. 3 te auwa
- B. 3 te bong

31. E ataro Tauro?

- A. Eng
- B. Tiaki

32. Tera ae tuangaki Tauro iroun Anania?

- A. E na babetitoaki mani kaitiaki man ana bure
- B. E na aki bwainikinia Kristian

33. A kabwararki ana bure Tauro ngke e tia n onimaki rainanona akimamatam ao n tataro?

- A. Eng
- B. Tiaki

34. E kanga aron Tauro ni kaitiakaki

- A. Tataro
- B. Bwabetioaki

30. B 31. A 32. A

33. B 34. B




Mareko 16:16

Ane e onimaki mani bwabetitoaki ao e na kamaiuaki ao ane e aki onimaki ao e na kabuakakaki

I-Rom 6:3-6

3Kam akia taira ngaira aika ti bwabetitoaki nako nanon Kristo Iesu bwa ti bwabetitoaki naba nakon 4matena? Ma ngaia ae ti taunaki ma Ngaia n te bwabetitoaki nako nanon te mate: bwa, n aiaron Kristo ngke e kautaki mai ibuakoia mate ni mwakan te Tama, ao ngaira naba tin a nakonako inanon te maiu naba 5 ngkai. bwa ngke ti rikirake ni katiteuanaki ma Ngaia ni katotongani matena, ao aiarona ti na rikirake ni katiteuanaki ma Ngaia ni 6katotongan manga utina; bwa ti ata aei, bwa e tauraki n te kaibangaki aomatara ni kawai ma Ngaia, bwa e aonga ni kamaiuaki te rabwata ae bure, bwa tina aki manga toro rimwi n te bure, bwa ana e mate ao e karaoiroaki ni kanakoaki man te bure

35. Tera ae riai karaona bwa ko aonga ni kamaiuaki?
 - A. Ti te onimaki
 - B. Te onimaki ao te Bwabetito
36. Ti kanga ni karinaki inanon Kristo?
 - A. Te Bwabetito
 - B. Kaotan am bure
37. Ti kanga n taunaki ma Kristo?
 - A. Te rairan nano
 - B. Bwabetioaki
38. Tina kanga ni m,aiu ngkana ti kautaki
 - A. .Kanga aron ane mai eta
 - B. Nakon te maiu ae boou
39. E kanga te rabwata ae bure ni kamaunaki?
 - A. Ngkana ti bwabetitoaki nakoni utina.
 - B. N onimakinana



Bon te Atua ae mwakuri baronga ni kabane ngkana e kani bwabetito te aomata ike katiteuanaki iai ma Kristo, n te bwai are e riki n tokini maiun te Uea iaon te aba. Ike ti babetitoaki iai nako nanoni matena bwa ti taunaki ma Ngaia, ao ti kautaki ma Ngaia bwa tina nakonako n te aro ni maiu naba ngkai.

Imwain te bwabetito, ao ti riai ni katoki arora aika buakaka. Te bwai ae riai ni iangoia te aomata—a kona ataie ni karaoa anne?

35. B 36. A 37. B 38. B 39. A

1 Korinto 12:13

Bwa ti bane ni babetitoaki nako nanon te rabwata ae ti teuana iron te tamnei ae ti temanna, ngaira aika I-Iutai ma I-Ierene, ma toro, ma inaomata, ao ti bane ni kamoaki n te tamnei ae ti temanna.

Mwakuri 22:16

Ao tera ae ko taningaia ngkai? Ko na teirake, ao ko na babetitoaki, man teboki am bure, mani wetea aran te Uea.

1 Betero 3:21

Ao te babetito, are katotongan te ran arei, ae tiaki kakian kamwaran te rabwata, ma kakaean mataniwin te nano ae raoiroi i matan te Atua, are e kamaiungkami ngkai ni mangautin Iesu Kristo, are E nako karawa.

40. Ti babetitoaki nako tera?

- A. Karawa
- B. Rabwatani Kristo

41. Tera te rabwata ane?

- A. Ana ekaretia
- B. Rabwatana n aoamata

42. Tera are e kaitiaki am bure?

- A. Ongoa ana taeka te atua
- B. Babetito

43. Ti kanga ni karina Kristo?

- A. Onimaki
- B. Babetito

44. Tera ae ti kamaiuaki iai?

- A. Te Babetito
- B. Karina Kristo inanora.

Ebeto 1:22-23

22 Ao e kaki bwai ni kabane iaani waeni Kristo, ao e anga bwa te atu iaoni bwai ni kabane, nakon te ekaretia, are rabwatana, are onraken Teuare e kaoni bwai ni kabane n tabo ni kabane.

I-Karatia 3:27

Bwa kam bane ni karina Kristo ngkami akana kam babetitoaki nako nanoni Kristo.

	Tera ae na karaoia te bwabetito?
1 Korinto 12:13	Karinira n te rabwata ae ti teuana (te ekaretia)
Mwakuri 22:16	A kaitiakaki ara bure
I-Karatia 3:27	Karinira inanon Kristo
1Betero 3:21	Kamaiura

N te babetito ao e kaitiaki ara bure te Atua, ao e ikotia ake e kamaiuia nakon rabwatani Kristo, are ana ekaretia.



40. B 41. A 42. B 43. B 44. A

Akea te bwai ae kona ni karaoia te aomata ibukini kamaiuana iron te Atua. Bwa ti kamaiuaki n ana akoi. E ngae ngke e ang ate inaomata ni butimwaia ke n totokoa tea koi ni kaeti ma te ongotaeka. Ma e katerea Iesu bwa ti riai n onimaki, rairi nanora, kaota Iesu bwa natin te Atua nakoia aomata. Ao ti riai ni kariaia te babetito bwa e na kaitiaki ara bure te Atua ao ni manga kaboui maiura. Bon te Atua ae karaoa te kamaiu ao kanakoan te bure. Ara ongotaeka e bon ti kaota ara tangira nako te Atua ma nanora ni kani kamaiuaki.